



ЛЕНИНЭНЬ КИЯВА

1941 ие
ИЮНЕНЬ
25-це чи
71 (1367) №

ЛИСИ: 11-це но,
12 № ковс

ВЛКСМ-нь Мордовской обкомонтъ ды Саранск ошонь комитетэнтъ газетаст

Минек тевенек виде. Врагось ули тапазь. Победась ули минек.

(В. МОЛОТОВ).

Якстере Армиянь Главной командованиянтъ сводказо

1941 иень июнень 23-це чистэ

Чинть перть противникесь бажась виевгавтомс наступления весе фронтанть Балтийской морянтъ эйтэ Черной морянтъ витьс, весе эсь главной виензэ нолдась Шаулийской, Каунасской, Гродненско-Волковысской, Кобринской, Владимир-Волынской, Раварусской ды Бродской направлениятнесэ, но успехезэ арасель.

Владимир-Волынской ды Бродской направлениятнесэ противникентъ весе атаканзо ульнестъ отбитойть сонзэ туртов покш ёмавкс марто. Шаулийской ды Раварусской направлениятнесэ противникесь, кона валкестэнтъ эцекшнесь минек территориянтъ лангс, чинь омбоце пелькестэнтъ минек войскактнень контратакасост ульнесь тапазь ды панезь государственной границанть томбале, тень пингстэ Шаулийской направлениясонть минек артиллерийской толсонть истожазь противникень малав 300 танка.

Белостокской ды Брестской направлениятнесэ пек виев бойтнеде мейле про-

тивникентень удалась потавтомс прикрытиянь минек частнень ды саемс Кольнонтъ, Ломжанть ды Брестэнтъ.

Минек авиациясь ветясь успешной бойть, ванстась войскактнень, аэродромнень, населенной пунктнень ды военной объектенъ противникентъ воздушной атаканзо эйтэ ды лездась наземной войскактнень контратакатнень. Воздушной бойтнесэ ды зенитной артиллериянь толсонть чинть перть минек территориянтъ лангс тапазь противникень 51 самолёт ды 1 самолётонтъ минек истребительтне карматызь валгомс Минсконь районсонть аэродромс.

Июнень 22-це ды 23-це читнень перть минь сайнек пленс малав 5 тыща германской солдат ды офицерт.

Точнойгавтозь дайнойтнень коряс июнень 22-це чистэнтъ весемезэ ульнестъ тапазь противникень 76 самолёт, но аволь 65, кода те невтнесь Якстере Армиянь Главной командованиянтъ 1941 иень июнень 22-це чинь сводказонзо.



Ардатов ошонь трудипятнень митингесь, кона ульнесь маень 22-це чистэ. Райсоветэнтъ председателесь Бурмистров ялгась тейсь сообщения радио вельде Молотов ялганть выступлениядонзо.

Фотось П. Ивановонь.

Военной трибуналтнэнь организовамось

Военной положенияс яволятозь таркатнесэ ды военной действиянь районтнесэ военной трибуналтнеде Положениянь 1-це статьянтъ коряс, кона Положениясь кемекстась СССР-нь Верховной Советэнь Президиумонтъ 1941 иень июнень 22-це чинь Указсонзо, СССР-нь Юстициянь Народной Комиссарось Н. М. Рычков ялгась макесь приказ чугункань кинь ды водной транспортонь зярья линейной судтнэнь военной трибуналокс реорганизовамодост.

Нолдась действияс военной трибуналтнесэ тевтнень ванкшномань порядокось, кона тешкстась военной положенияс яволятозь таркатнесэ ды военной действиянь районтнесэ военной трибуналтнеде Положениянь 11-це ды 12-це статьятнесэ. Те порядоконтъ коряс трибуналтнэнь ули праваст ванкшномс тевтнень чумондомань заключениянтъ максомадонзо мейле 24 часонь ютазь.

(ТАСС).

Макстано масторонтень сатышка металл

Советской масторонь металлургтне пек вадрясто чарькодизь Родинанть икеле эсест долгост великой отечественной войнань исторической чинестэ. Пек покш митингтнесэ Югонь ды Уралонь, Сибирень ды Центральной райононь заводтнесэ металлургтне маэссть большевистской вал—нолднемс зяряо чугун, сталь ды прокат, зяряо карми эрявомо, штобу громамс фашистской розбойниктнень.

Еще седеяк пек дружнасто кармась лакамо роботась доменной ды мартеновской печькатнень вакссо, прокатной стан-

тнесэ. Васенле чистэнтъ жо—июнень 22-це чистэ—Кузнецкой заводось тейсь июнь ковсонть чугунонь сехте покш суточной выплавка. Доменчиктнень марто вейсэ велькска топавтызь заданияст мартеновецтнэ ды прокатчиктне. Велькска топавтызь суткань планост весе металлургической циклаванть Магнитогорской, Дзержинский лемсэ Днепродзержинской, Азов-Сталь, Сталинградской орденоносной заводось, «Красный Октябрь», Левин лемсэ Днепропетровской орденоносной заводось ды зярья лият.

Аноктано стямс Якстере Армиянь рядтнэс

Пенькокомбинатовъ ды 6-це № строительной конторань рабочейтнень, инженерно-технической роботниктнень ды служащейтнень митингсэнтъ примастъ участия вете сядодо ламо ломань.

Сообщениянтъ Молотов ялганть выступлениядонзо теизе ВКП(б)-нь Саранской Горкомонь секретаресь Савостьянов ялгась.

Сондензэ мейле выступали пенькокомбинатовъ директорось Нестеров,

6-це № строительной конторань директорось Четвергов, рабочейтне П. Челинцев, Федотов ды лия ялгатне.

Митингень весе участниктне вейке мельсэ яволявсть, што сынь анокт стямс Якстере Армиянь рядтнэс. Примазь резолюциясост сёрмадыть: макссьнек весе виенек ды эрямонок сенькис, штобу ванстомс социалистической родинанть, тапамс фашизманть.

Седеяк кемекстасынек тыланть

Минек масторонтъ лангс германской фашистнэнь каявомась тейсь фашистской розбойниктнень лангс покш ненависть Ичалковской лесхозонь рабочейтнень ютксо. Июнень 22-це чистэ, радио вельде Молотов ялганть выступлениядонзо мейле, 300 ламо рабочей, служащей ды инженерно-технической роботник пурнавсть митингс.

Митингсэнтъ лесхозонь директорось Фриновский ялгась ёвтнизе весе сень мезде кортась радио вельде Молотов ялгась.

— Германской фашизманть каршо,— яволявсть сон,— весе советской народось ары кшнинь стенакс ды тапаксынзе азаргадозь розбойниктнень.

Покш мельсэ кунсолызь ВЛКСМ-нь первичной организациянь комитетэнь

членэнтъ Хабаров ялганть выступлениянзо.

— Ней фронт эрва косо,— кортась Хабаров ялгась,— войнасо, заводсо, колхозсо, совхозсо, вирьсэ... Перть-пеле эряви кемекстамс Якстере Армиянтъ ды Военно-Морской Флотонтъ виест. Минь те тевентъ топавтсынек эсенек честной ды самоотверженной роботасо, эсь революционной бдительностень кепедемасо. Седеяк пек кемекстасынек гыланть.

Лесхозонь рабочейтне резолюциясост сёрмадыть, што сынь партианть ды правительстванть тердемаст коряс эрва шкасто анокт модемс эсь Родинанть-аванть ванстамо. Сайсть эсь лагвозост обязательства—квартиальной планонтъ топавтомс велькска. К. Павлов.

Врагось ули тапазь

Родина ава! Зяряо тон часия максыть од ломатнень, кодат келей витьтенст пажить тонавтнемасонтъ, роботасонтъ ды весе эрямосонтъ! Примерэнтъ сайса эсенэ эйтэ. Мон кавто иесэ каловинь урозокс. Авам кудось нужачисэ ды горясо майсезь, тетянь маштызь империалистической войнасонть.

Советской властесь кастымем монь ломанекс, Родинась авакс мелявть кисань. Кавксо иесэ карминь тонавтнемс. Прядынь семилетка ды туинь тонавтнемс механдкекс. Получинь механикень специальность.

1940 иень январьстэ доброволецэкс якинь финской белогвардейщинантъ

каршо боропямо. Боропямосонтъ тевинь выносливойкс ды тонадынъ вадрясто леднемс.

Германской кровожадной фашистнэ каявсть минек масторонтъ лангс. Родинанть-аванть а макссьнек нарьгамс неть нулгодиктнень. Мон, кода и весе советской од ломатне, покш паромельсэ молян эсь вечкевикс масторонтъ ванстамо, карман боропямо эсь Родинанть честензэ кис. Советской народось тапаксынзе озверелой бандитнэнь.

И. Жигалов.

Лесхозонь автогаражонь главной механик.

Ичалковской р-н.

Минь изнятано

Кровожадной фашистнэ ушодсть Советской Социалистической Республикатнень Союзонтъ каршо война. Сынь бажить саемс минек мода. Зярдояк тень а улем! Весе советской народось карми эсь завоеваниянтень ванстомс.

Производствасо, колхозсо тейдяно кеме тыл. Седеяк пек кепедиснек трудонь производительностень. Мон роботан Ичалковской лесхозсо вулканизато-

рокс. Норматнень свал топавтилинъ 150 процентс. Ней жо саян эсь лангзонь обязательства топавтнемс 200 процентс. Автомашинань камератнень карман вулканизировамост иста, штобу машинатне улелельть боевойкс. Минь эсь трудсонок лездатано героической Якстере Армиянтень тапамс германской фашистской бандитнэнь.

А. Вдовин.

Роботамс честна ды самоотверженна

Кодак ансяк кунцолозель радио вельде Молотов ялганть речезе, сеске жо Саранск ошонь промышленной предприятиянева ды учреждениянева кармасть ютамо митинг.

Саранскоень хлебокомбинатонь робочейтне эсь митингэст ве мельсэ примазь резолюциясо сёрмадыть:

— Минь, хлебокомбинатонь робочейтне ды служащейтне, партианть ды правительстванть тердемасть коряс, прок вейке ломань, стятано эсенек отечестванть ванстома. Седеяк самоотверженнойстэ

карматано трудямо эсенек роботасонк, седеяк кеместэ пурнавдано партианть, правительстванть ды Сталин ялганть перька.

Истяжо ютась митинг котонинной фабрикасо, пединституте ды лясос. Эрва косо минек трудиятне, комсомолецтне, од ломатне ёвтызь эсь анокчист самоотверженна ды честна роботамс, улемс дисциплинированноеке, седеяк кепедемс трудонь производительностень ды зардо карми эрявома — стямс эсь родинанть ванстамо.

Колхозниктнень ответэст

Июнь 23-це чистэ Ташто Мурзасо ульнесь покш митинг. Митингень участниктне эсь выступлениясо тердсть весе колхозниктнень честнасто ды добросовестнасто роботамс колхозной производствасо ды улемс эрва шкасто анокке эсь цветиця Родинанть ванстамо.

— Фашистне каявсть минек масторонть лангс, — яволятсь колхозникесь Лашманкин ялгась, — но теде а танда-тано! Содатано, што теვენек виде,

изникак ульдяно минь. Фашистнень наглой каявомасть лангс ответэкс, седеяк вадрылгавтсьнек оборонной роботанть эсенек колхозсо, эрва колхозникенть ды колхозниканть анокстасьнек ворошиловской сгредлококс. Минь свал аноктано бойс!

Колхозниктне сайсть эсь лангозост обязательства седеяк виевстэ бороцямс сталинской урожаенть кис.

П. Полежайкин.

Кочкуровой р-н.

Колхозсонть моли организованной работа

Косогор велень «Большевик» колхозсонть успешна моли яровой скоротнень кочкомась. Кочкиятне вельска топавтнить выработкань норматнень. Примерк, Е. Писмаркина, Е. Дунькина, Т. Гульяшкина ялгатне (колмопе бригада) нормаст топавтнить 125 процентс. Сынэ эсь ютковаст ветить социалисти-

ческой соревнования.

Колхозсонть организованно моли скоронь урядомонть анокстамось. Весе бригадатнесэ анокстась сатышка сбруить ды эрявике инвентарь.

С. Гульяшкин.

Б.-Березниковской р-н.

Максызь норматнень ГТО-нь значоконть лангс

Ардатовань педучилищань призывниктнень ютксо неть читнестэ ютавтозельт чиемань коряс соревнованиятне. Дистанциясь ульнесь тыща метра. Призывниктнеде мейле 500 метрас старт максозельт тейтернень. Сынэ истяжо невтеть вадра показателть.

Васенце тарганть призывниктнень ютксо занисе Н. Нуйкин ялгась, тейтертнень ютксо занисе соксо якамонь коряс рекордменкатне Лида Ремаева ды Полина Балабанова.

Теск жо ульнесь организовазь ГТО-нь значоконть лангс норматнень максомась. Норматнень максызь 31 призывник ды 125 тейтерь.

Н. Грязов,

Педучилищань военрук.

Народной инструментань Темниковской самодеятельной оркестранть концертт

Те мень июнь 28—29-це читнестэ искусствань тевтнень коряс Управлениась ды МАССР-нь Наркомпросос Саранск ошо организовать народной инструментань Темниковской самодеятельной оркестранть кавто концертт.

Оркестрансонть — 45 исполнитель. Инструментнень ютксо 24 домбра, клавишной 1 гусли, 20 балалайка. Оркестранть эйсэ руководит Л. И. Воинов ялгась (сон жо дирижор). Оркестранть репертуарсонзо: русской ды омбо масторонь композиторнень произведеният, советской композиторнень произведений, советской морот.

В. Панфилов.

Виензамс кроссонть эйсэ руководстванть

Минек республикасонть яла седеяк насыть физкультурась ды спортось. Мордовиянь од ломатне активна участвують чийнемань коряс профсоюзно-комсомольской кроссонть эйсэ. Уш васень читнестэ кроссонть эйсэ примасть участия малав 13 тыща од цёра ды тейтерь. Сынэст ютксо кемень тыщадо ламотне шкасто ютызь аравтозь дистанциятнень.

Зубово-Полянкой районсо васень чистэнтэ кроссонть эйсэ примасть участия 1.063 ломань, сынэст ютксо 919 ломань максызь чийнемань коряс ГТО-нь ды БГТО-нь значок лангс норматнень. Чамзинской районсо предварительной даннойтнень коряс кроссонть эйсэ примасть участия 2.018 ломань, сынэст ютксо 1.220 комсомолец. 1927 ломань максызь ГТО-нь ды БГТО-нь значок лангс норматнень. Саранской районсо васень читнестэ кроссов лиснестэ 1.554 ломань, конатнень ютксо 1.447 ломань шкасто ютызь аравтозь дистанциятнень.

Минек республикань сех ламо райкомтне парсте организовизь ды ютавтыть кроссонть. Ды тосо а брать показателтьнеак. Сядот од цёрат ды од тейтерь эрва чистэ лиснить пересеченной таркава чийнема.

Профсоюзно-комсомольской кроссонть положениясонть мерезь, што чийнемань коряс соревнованиятнень задачке ашти се, штобу трудия массатнень таргамс физической культурасо занятис, ГТО-нь значок лангс норматнень максомо.

Те карматны весе комсомольской, профсоюзной ды физкультурной организациятнень аволь кампанейски, но эрва чистэ заниматься од ломатнень физической воспитанясонть, эрва колхозсонть тедемс физкультурной коллектив ды седеяк кемектамс сеть физкультурной коллективтнень, конат ульнестэ теезь.

Тедемс весе, мезе эряви сень кис, штобу од ломатне могли эрва чистэ заниматься физкультурасо ды спортось.

АНГЛО-ГЕРМАНСКОЙ ВОЙНАСЬ

Северо-Западной Германиянь лангс английской авиациянь налетонзо яла молить. Июнь 23-це чинть каршо вестэнь английской бомбардировщиктне атаковизь Эмденэнт, Бремерхафенэнт ды Дюссельдорфонть Германской авиациясь тейсь налет Англиасо койкона объектань лангс.

Кода пачти Рейтер агентствась, мельсь кавто читнень перть английской авиациясь тапась 58 германской истребитель. Английской военно-воздушной вийтне жо ёмавсть те шканть перть ансяк 5 самолет. Английской летчиктне тешкстызь, што германской

летчиктне эзь невтне неень шкастонть эрявике боевэй дух, сеестэ бажасть а понгодемс бойс.

Сирясо военной действиятне молить фронтонь весе участкатнесэ. Рейтер агентстванть данноензэ коряс, де Голлень войскактне совасть Дамаскөө.

Северной Африкасо — воювица ёнкстнэнь артиллериянь ды авиациянь действият.

Абиссинясо английской войскактне сайзь Джиммуты (Галла ды Сидамо провинциянь центра), сайсть тень пингстэ пленс 8 тыщат итальянецт. (ТАСС).

КОНГРЕССЭНТЕНЬ РУЗВЕЛТЭНЬ ПОСЛАНИЯЗО

Конгрессэнтень эсь посланиясонзо Рузвельт яволятсь, што сонензэ савшны явотомс конгрессэнт мелезэ Атлантической океанонь южной пелькесэ маень 21-це чистэ германской подводной лодканть ёндо «Робин Мур» американской парходонть безжалостной ваявтоманзо лангс. Германской подводной лодкасо американской парходонть ваявтомась ашти морятнева свободна укшикоманть американской суднатнень праваст явной коламокс. Полной пренебрежениясь, кона теезь международной правань ды человечностень сехте элементарной принциптнень коряс, седе тов мерсь Рузвельт, максни основания «Робин Мур» парходонть ваявтоманзо заклемить прок международной беззакония акт.

Германской империянь неень руководителтьне, мерсь седе тов Рузвельт, эзь лотка лия мастортнесэ аволь чумо ды беспомощной ломатнень коряс жестокостень актнэнь теаманть ды терроризированиянь ламо лия форматнень

ютавтоманть лангс, кода неяви, арсесть седе, што терроризмань неть методтне пачтить истямо положениас, кона максы возможность германской империянть добовамс покорность мастортнэнь ёндо, конат теевсть сонзэ жертвакс.

«Нурькинестэ кортазь, — мерсь прядомстонть Рузвельт, — минь должны «Робин Мур» парходонть ваявтоманзо ловоме прок предупреждения США-нтень, кона ашти сеньсэ, што США-сь не должен тейнема сопротивления мирэнтэ завоеваниянзо кис национал-социалистнэнь движениянть. Минек предупредяют, што США-сь может пользовамс открытой морятнесэ ансяк национал-социалистнэнь согласият коряс. Бути бу минь уступили тень, то минь неизбежна максовлинек бу мирэнтэ лангс господстванть германской империянь неень руководителтьнень кедьс. Минь не уступаем ды а арсетяно уступить».

(ТАСС).

Шведской газетась Финляндиясо политической настроениятнеде

«Арбетарен» шведской газетась Финляндиясо политической настроениятнеде статьясонть сёрмады: Минек свал кемевть сеньсэ, што Финляндиясо ули народонть единства. Алкуке жо социальной ды политической противоречиятне зярдояк эзь ульне Финляндиясо истят келейть, кода ней. Эрва кодат общественной кругтнесэ моли недовольства. Тенень примерэкс ашти «Арбетарбладет» финляндской социал-демократической газетань редакторонть Виртаненэнь роботагонзо тумась. Неть читнестэ сон кадызе эсензэ роботанзо, яволятсь, што журналистнень профессиянть а

велявты се шкас, зяре од а сы свободась. Неть вергизань шкатиестэ, мерсь Виртанен, Финляндиясо аволь чожда улемс свободной журналистэкс. Минь ульнинек овси аволь вероятной вещатнень свидетелекс, но минь не могли эйстэдест кортамскак, сёрмадомскак. Виртанен а ськамонзо аволь довольной социал-демократической партианть ды правительстванть руководствань политикасо. Недовольства ули масторонь сех ламо трудия населенианть ютксо, но прессась кашт моли те недовольствадонть.

(ТАСС).

Строяме спортивной площадкат, стадионт, препятствиянь полосат, водной станцият ды лият. Тень коряс а берянь ушоткс тейсь ВЛКСМ-нь Краснослободской райкомось. Сонзэ инициативанзо коряс аравтозель вопрос райсоветэнь сессиясо, косо тейсть конкретной решения, конаньсэ велень советэнь ды колхозонь председателтьне обязаннойт лездамс комсомольской организациятнень спортивной площадкань строямосонть, спортивной инвентарень приобретениясонть. Ды ней ламо колхозга, кроссонть ютавтоманзо марто вешкане, строить спортивной площадкат ды лият.

Чийнемань коряс профсоюзно-комсомольской кроссонть ютавтомань коряс вадра примертнеде башка улить истят факткак, што кой-кона районтнесэ комсомольской ды профсоюзной организациятне кроссонть организовамонзо ды ютавтоманзо кадызь самотекс. Примерк, Дубенской, Темниковской, Ковылкинской, Лямбирской районтнесэ комсомольской роботниктне практической тевень таркас ветясть чаво шума ды трескетня. Эзь анокста кроссон-

тень кода эряви, а ветить конкретной руководства сонзэ ютавтомансонть. Ды секскак васень чистэнтэ кроссов лиснестэ Дубенской районсо ансяк 80 ломань, Лямбирской районсо — 50 ломань, Темниковской районсо — 48 ломань.

Неть райкомтнень секретартьне стувтызь сень, што од поколениянть физической воспитанясь ашти коммунистической воспитанянт покш пельксэкс.

Эряви тешкстамс сеньгак, што профсоюзной сех ламо организациятне те шкас а примакшныть кодамоак участия кроссонть ютавтомасонзо, союзтнэнь обкомтне жо оймасть сень лангс, што максеть «указания» низовой профсоюзной организациятнень.

Миненек эряви добовамс сень, штобу эрва комсомолецэсь, эрва од ломанэсь, физкультурасо ды спортосе занятиянтьне вельде, кроссонть эйсэ участиянть примазь, анокставлизе эсь прынзо эсь Родинанть ванстомантьне. Я. Сазанов.

Отв. редакторсь А. ЩЕГЛОВ.